



ECkardus fuit uir in diuinis scripturis eruditissimus. in alijs uerò liberalibus studijs & disciplinis, nulli inter Germanos (ut Tritemius inquit) inferior. Itaque primus abbas monasterij S. Laurentij quod Vragia dicitur, in diocœsi Herbipolensi & Hercinia sylua ordinis S. Benedicti electus fuit. Erat is metro & prosa excellens. Propterea factum ut non spernendæ lectionis opuscula composuerit, quibus ingenij sui uiuacitatem declarauit. Inter alia ad imitationem Boëtij insigne opus cõscripsit, ad instructionem & consolationem Monachorum & omnium fidelium Deum timentium, quod Laternam Monachorum inscripsit, & libris quinque

distinxit. Tandem uerò cum optimè suo monasterio præfuisset, sub initium imperij Conradi tertij, anno Domini millesimo centesimo quadragesimo primò mortuus, atq; in medio ecclesiæ prædictæ sepultus est. Tritemius,